



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Acta Ecclesiae Mediolanensis**

Acta Synodalia Dioecesana Ecclesiae Mediolanensis, Pars Secunda

**Borromeo, Carlo**

**Brixiae, 1603**

De indictione Synodi IX. futurae.

**urn:nbn:de:hbz:466:1-11399**

Deus noster refugium, & virtus.  
Pfal. 41.

**Añã.** Preciosa in conspectu Domini  
mors sanctorum eius.

Credidi propter qđ locutus sum.  
Pfal. 115.

**Añã.** Sancti tui florebut sicut lilia: &  
sicut odor libani erunt ante te.

Domine quis habitabit in taber-  
naculo tuo. Psal. 14.

**Añã.** Iusti, & sancti in Domino gaudente.  
Beati omnes, qui timent. Ps. 127.

**Añã.** Gaudente gaudio magno martyres  
Christi: gaudente, & exultate, quia  
merces vestra magna est in Cælis.

Antiphonæ.

De S. Arsatio Pont. & Confessore.

**S**Tatuit illi Dominus testamen-  
tum sempiternum: & dedit illi  
sacerdotium magnum.

Sacerdotes domini benedicite do-  
mino: serui domini hymnum dicit  
Deo nostro.

Confessor sancte, sacerdos magne,  
B. Arsatii intercede pro nobis.

**I**N hac synodo, vt in cæteris, de pro-  
fessione fidei, de examinadoribus, de iudicibus, de testibus synodalibus, de pun-  
tatoribus, cæterisque actum, & ge-  
stum est.

Quo in genere toto decreta illa trala-  
titia promulgata sunt, quæ scilicet de  
vna in aliam synodum perpetuò trans-  
ferre consueuimus ad huiusmodi vsum.  
Sed cleri nominatio diligentius facta  
est, quam alio tempore: itidemq; scruti-  
nii ratio accuratius inita.

Decretum.

De nominatione cleri, & scruti-  
nio, & cathedratico.

**E**DICIMVS vocationem cleri,  
& synodale scrutinium ad præscriptum  
decreti in hesterna sessione promulgati.  
Vocati igitur vniuersè, certo ecclesiæ  
titulo, bini, & ordine ad Illustrissimum  
Archiepiscopum accedant, & reueren-  
tiam exhibeant.

Inde ordine etiam ad præfectos scruti-  
nii se conferant.

parochi præterea ad Oeconomum: cui  
cathedraticum ex instituto soluant.

Decretum.

Penitentia clericis impositæ synodali  
tempore cauponas frequen-  
tantibus.

**Æ**QVISSIMVM est, ecclesiasti-  
cos homines, qui contra clericalis, & sy-  
nodalis disciplinae leges, concilij, &  
prouincialibus, & diæcesanis sancitas,  
de suggestuq; in hesterna sessione pro-  
mulgatas, ac in tabella intra septem ses-  
sionis synodalis propositas aliquid cõ-  
mittunt, subiacere canonicæ discipli-  
næ, & correctioni.

Mandamus igitur hos N. N. qui hoc sy-  
nodali tempore ad cauponas diuerte-  
runt (id quod & decreto prouinciali, &  
disciplinae synodalis sanctione vetitum  
est) superpelliceo exutos, ad altare ma-  
ius genibus flexis psalmos septem pœni-  
tentiales dicere; & cras, feria sexta ieiū-  
nare pane, & aqua; & quidquid pecuniæ  
in dimenso cibo crastinae feriae erogatu-  
ri erant, id in elemosinam Christi pau-  
peribus conferre.

De indictione Synodi IX. futurae.

**S**YNODVM nonam diæcesanã,  
quam ex sacri Tridentini Concilij de-  
creto anno sequenti M. D. LXXXII.  
iuuante Christo Domino, celebraturi  
sumus; cum statuta ea die, quam in decre-  
to nostro diæcesano præscripsimus, ha-  
bere non possimus ob concilij prouin-  
cialis sexti celebritatem, quod per nos  
indictum, in idem ferè tempus cadit;  
eam indicimus futuram esse die sexto  
Iunii eiusdem anni.

Processione solenni acta, acclamatio-  
nibus de more factis, osculo pacis inter  
se dato, & cæteris ex pontificali libro  
rite confectis, synodus ita dimissa est.

**A**YCTORE Deo absoluta syno-  
dò, omnes & singulos, qui ad hanc syno-  
dum nostram octauam conuenerunt, di-  
mittimus in pace ad suas sacerdotales  
clericalesve stationes.

Qui verò in hesterna sessione congrega-  
tioni oblatorum se adscribi petierunt,  
nobisve se obtulerunt, aut se offerre pro-

F 2 posue-



postierunt; cras ad nos in ædes Archiepiscopales veniant, vt cum eis deliberemus.

Vicarijs item foraneis cras etiam audientiam totius diei indicimus, & ijs quoque qui aliquid habent, quod nobiscum, aut ministris nostris agant.

Illis quoque quibus à Vistoribus preceptisve scrutinijs iussum est ad nos venire.

Dimissa ritè synodo, literæ synodales ab Archiepiscopo decretæ sunt: quarum vnæ editæ fuerunt hoc exemplo.

Carolus Cardinalis Archiepiscopus

**P**Astoralis officij nostri ratio illud à nobis deposcit, vt in synodo diocæsana, quam ex decreto Tridentino quotannis celebramus, non solum cleri, & populi disciplinam quasi è specula quadam Archiepiscopali assidue contèplemur, & cognoscamus; sed etiam in eam curam toto animo studioque omni incumbamus, vt decreta prouincialia, & diocæsana eo de genere confecta in executionis vsum inducantur. Quare non sine maxima animi molestia intelleximus, quod nobis in hac synodo allatum est; in Vicariatus tui cura, populum dies festos, qui ex ritu, & instituto huius ecclesiæ Mediolanensis obseruari debent, vt in proxima synodo quinta decreto in tabula exarato declarauimus & promulgauimus, minimè obseruare; neque adeo interdum ab operibus seruilibus, alijsque eiusmodi rebus, que decretis, & edictis nostris prohibentur abstinere; & clerum præterea sacrorum eorum dierum officium solenne ex decretis nostris, & Calendario anniuersario non celebrare; & verò in vestitu, atque in chori disciplina ad præscriptum decretorum prouincialium se non gerere. Itaque his nostris literis synodalibus tibi præscribimus, & iubemus, illud omni opera, cura, studio prouideas, & perficias; vt populus securi in tabella præscriptum est, eos dies festos colat atque obseruet; & clerus offi-

cium solenne ex Calendarij ritu de ijs celebret; & que de vestitu ratione, chori que disciplina decretis prouincialibus sancita sunt, pie inuiolateque præstet.

In eam sane rem omni sollicitudine atque officio incumbes: nam præterquam quòd si te negligentem præbueris, eo nomine tãquam negligens seruus à Deo iusto iudice iudicaberis; nobis etiam palam in synodo proximè futura rationes redditurus. Eamque ob causam à cancellario nostro hanc culpam notari iussimus, vt quam diligentiam, & sollicitudinem ad eam corrigendam ipse contuleris, suo tempore perspici queat. Christus Iesus te diuinæ gratiæ, sanctæque charitatis cumulo augeat.

Synodus Diocæsana Med. ix. & x. Quas Carolus Cardinalis tit. S. Praxedis Archiepiscopus habuit Annis à Christi Natiuit. M. D. LXXXII. & M. D. LXXXIII.

Gregorio XIII. Pontifice.

**I**N his duabus synodis nullum omnino decretum (preter generalia, de quibus in superioribus) conditum est. Verum in eo potissimum studium omniposuit Illustriss. Card. & Archiepiscopus, vt superioribus statuta, ac decreta temporibus, in vsum quam maximè fieri posset inducerentur. Quamobrè processione de more facta, ijsque lectis, & promulgatis tum Tridentini, tum etiã prouincialium Concil. decretis, quæ in vnaquaque diocæsana synodo de suggesto recitari solitum est; primum nominatio cleri, deinde verò scrutinijs à præfectis regionum inceptum, & absolutum est. In synodo autem decima solennis præterea Concilij prouinc. vj. quod illo ipso anno editum fuerat, promulgatio ad præscriptum sacrorum canonum, & Conc. prou. xv. facta est.

L A V S D E O.

SYNO.